

اداره مخصوصه

درسعادتده ياب على جاده سنده

محل اداره :

# مستطابق

۱۳۲۶

اخطار :

مسلكمزه موافق آثار جديده مع المنونيه

قبول اولنور

درج ايضله بن آثار اعاده اولنور

دين، فلسفه، علوم، حقوق، ادبياتدن و سياسياتدن وبالخاصه كرك سياسى و كرك اجتماعى و مدنى احوال و شئون اسلاميه دن بحث ايدر و هفته ده بردفعه نشر اولنور.

درسعادتده نسخه سى ۵۰ پاره در

قبراه دن مقوا بورو ايله كوندريليرسه سنوى  
۲۰ غروش فضله آلير

درسعادتده پوسته ايله كوندريليرسه ولايات بدلى اخذ اولنور

صاحب و مؤسسرى :

ابوالعلا زين العابدين — ح. اشرف اديب

تاريخ تاسيسى

۱۰ تموز ۳۲۴

سنه لکى	التى آيلنى	غروش	ولاياتده
۸۰	۴۰	»	
۸۰	۴۰	»	ممالك اجنبيه ده

ايکنجى جلد

۱۰ شعبان ۳۲۷ پنجشنبه ۱۳ اغستوس ۳۲۵

عدد : ۵۱

### انکلتزہ و اسلامیت

ہندستان جمعیت اسلامیہ سنک کچنلر دہ پک چوق انکلتزہ مشاہیری حاضر بولندی حالدہ واقع اولان اجتماعندہ پروفیسور (ایوان موللر) :

« انکلتزہ مسلمانلرہ نہ لر مدیوندر ؟ »

عنوانی التندہ اوزون برنطق ایراد ایتشددر . بونطقک اک مهم فقرہ لرینی بروجه آتی اقتباس ایدیورز :

« عالم اسلامیتدہ یقیندہ مهم تجددلر وقوع بولہ جقدر . بوکا اک بیوک برهان ، ممالک عثمانیہ دہ اخیراً جریان ایدن تحولات مهمہ در . بوتحوللر ، اہالیسی میانندہ مسلمان بولونان ہر مملکتدہ تاثیرینی کوسترہ جکدر . تحولات مبحوثہ دہ اک زیادہ علاقہ دار اولان خرسٹیان ممالکتی ، انکلتزہ در . انکلتزہ بوتجددہ ہند مسلمانلرینک اشتراکتی تأمین ایچون ہر دزلو وسائط ممکنہ ایلہ جہالتلرینی ازالہ یہ وکسب عرفان ایتلرینہ چالشمش ومع مافیہ نظریات اسلامیہ یہ منافی ہیچ برتشبدہ بولونمامشدر .

غرب مدنیق اسلاملرہ پک چوق شیلر مدیوندر . ادیان سائرہ اربابنہ انسان نظری ایلہ باقنی ، تحصیل علوم ایچون ہیچ برمانعہ دن قورقمانی ، واسکی پاپاس تعصبی اونونمنی مسلمانلر غربیلرہ اوکر-تمشدر . علوم مدنیہ نک ہیچ برقیمی موجود دکدر کہ تأسیس ویاترقیسنی اسلاملرہ مدیون اولماسین . حتی دیہ بیلیرمکہ مسلمانلرک خدمات علمیہ سندن قطع نظر ایدرسہک اوروپا مدینتک باشلی باشنہ براساسہ مالک اولمدیغنی کورورز .

امور سیاسیہ دہ مسلمانلرہ پک چوق جہتلردن طولایی درجہ سز منتدارز . بزہندستاندہ مسلمان حکمدارلرینک وارثلری رینہ کچک . بوکون ہندستاندہ تطبیق ایتدیگمز اصول ادارہ وقتیلہ اسلام حکمدارلرینک کرک بورادہ ، کرک مصر ، ایران وانکلیدسہ کمال موفقتیلہ تطبق ایتدیگمز اصول ادارہ دن باشقہ برشی دکدر . بو قدر مخالف اجناس وادیانہ ماوی اولان بو قدر واسع برملکتی باشقہ بر صورتلہ ادارہ ایتک امکان خارجندہ در .

بونک ایچون ہندستاندہ تطبیق ایتدیگمز اصول ادارہ نک نظریات اسلامیہ یہ موافق اولسنہ ہر جہتلہ چالشمشدر . نظریات اسلامیہ نک خارجنہ چیقدیگمز جہتلردہ مطلقاً دوچار ہزیمت اولدق . « آلقشیر » ہندستان جماعت اسلامیہ سی بو حقکوبانہ نطقدن طولایی پروفیسور موللرہ بیان تشکرات ایتکہ اتفاق آرا ایلہ قرار ویرمشدر .

### روسیہ :

روسیہ دہ داخلہ ناظری بتون والیلرہ بر بیساننامہ کوندرہ رک حریت دینہ اعلان اولوندیغنی کوندنبری -- درت سنہ ظرفندہ -- خرسٹیانلری ، اورتودوقس مذہبی ترک ایدنلرک [ یعنی اکثریت اوزرہ مسلمان اولانلرک ] جدول و ایستانستبقی طلب ایلمشدر .

بو ایستانستبقی دو ما مجلسنہ تقدیم ایدہ رک متعصب خرسٹیان اعضالرک نظر دقتلرینی جلب ایلمک ، بالخاصہ نازک دامارلرینہ طوقونلمق ؛ روسیہ دہ خرسٹیانلرک ، اورتودوقسلرک انقراضہ یوز طوتمش اولدیغنی کوسترمک ؛ بوسورتلہ حریت دینہ قانونی لغو ایتک یولنی حاضر لامق آرزو اولنیور . آکلاشیلدیغنہ کورہ داخلہ نظارتک شو تشبہ « سینود » مجلسنک ابرام واصراری اوزرینہ اجرا ایدلمکدہ در .

§ پترسبورغندہ برجامع انشاسی ایچون تشکیل اولونان قومیسون اعضاسندن وروسیہ عسکری ضابطانندن عبدالعزیز افندی ایلہ جنرال شیخ علی حضر تلی ، جامعک انشاسنہ باشلامق خصوصندہ مساعده آلمق ایچون باش وکیل استولیین جنابیلرہ کورشمشدر . موسیو استولیین مساعده ایدیلہ جکی وعدایتش ، ولایجہ ایمپراطور طرفندن تصدیق اولمشدر .

اولجہ مجلس ایمپراطوری ، بخارا امیری عبد الاحد حضر تلی طرفندن صاتون آلنوب جامع ایچون ویریلن عرصہ دہ تأسیس وانشا اولنسی تقرر ایدن جامع شریفک منارہ لری بر چوق کلیسالرک قولہ لری ارہ سندن شہرک لطافت مناظرینی اخلاص ایدہ جکی زعم و بیانیلہ حکومتجہ مساعده اولنماسی رأیندہ بولنمش ایسہ دہ باش وکیل طرفندن بو بابدہ مساعده سبق ایتش اولدیغنی و بنا برین ممانتک آرتق معقول اولہ میہ جنی ملاحظہ سیلہ مطالعہ مذکورہ رد ایدلمشدر .

جامعک انشا ایدیلہ جکی یردہ بولنان بنالر ہدم ایدلمکدہ ولوازم انشائیہ احضار اولنمقدہ در .

جامعک رسمی قریباً قارت پونستال شکلندہ نشر ایدیلہ جکدر .

فلبیہ دہ ترکیجہ نشر اولنان « کوننس » غزتہ سنک ۱۲ ، ۱۴ ، ۱۵ ، ۱۶ ، ۱۷ ، ۱۸ نومرولی نسخہ لرندہ ملہ رجائک خلاف شرع شریف اولوب بین الاہالی فکر ارتجاع تولید ایدہ جکی ومقات مذکورہ نک ناشری تبمہ دولت علیہ دن اولدیغنی حالدہ حقندہ شرعاً جزا ترتبی لازم کلہ جکی مقام سامی مشیختدن اشعار بیورلش اولسنہ منی ناشر وصاحب مقالاتک ممالک شاہانہ یہ داخل اولدق لرندہ حقنندہ ایجاب شرعی اجرا ایدلمک و مذکور غزتہ نک صورت قطعیدہ منع دخولی اسبابنک استکمالی ومقالات مذکورہ مغایر شریعت ترہاتدن عبارت بولندیغنی جہتلہ شایان التفات اولمدیغندن غزتہ لرلہ اعلانی دیوان حرب عرفیجہ تحت قرارہ آلمش و باب عالی یہ اشعار کیفیت ایدلمشدر .

استانبولدہ ادارہ عرفیہ جاری اولدیغنی جہتلہ مذکور غزتہ نک ہان منع ادخالی اسبابنک استکمالی حقندہ داخلہ نظارت جلیلہ سنجہ امنیت عمومیہ تلغراف و پوستہ مدیریت عمومیہ لرینہ تبلیغات ایفا قلمشدر .

احمد ساقی بک

مطبعہ سی

مدیر مسئول :

اشرف ادیب